


প্রেস বিজ্ঞপ্তি ১০ নভেম্বর ২০২২

যুক্তরাজ্যে আহমদীয়া মুসলিম জামা'তের ইতিহাসের ওপর ওয়েবসাইট উদ্বোধন করলেন আহমদীয়া মুসলিম জামা'তের বিশ্ব-প্রধান



আহমদীয়া মুসলিম জামা'ত ঘোষণা করতে পেরে আনন্দিত যে, ৪ নভেম্বর ২০২২ আহমদীয়া মুসলিম জামা'তের বিশ্ব-প্রধান, পঞ্চম খলীফাতুল মসীহ্ হযরত মির্যা মসরূর আহমদ (আই.) যুক্তরাজ্যে আহমদীয়া মুসলিম জামা'তের প্রতিষ্ঠার ইতিহাসের ওপর একটি নতুন ওয়েবসাইট history.ahmadiyya.uk উদ্বোধন করেন।

হুযুর আকদাস জুমুআর খুতবাতে এটি উদ্বোধনের ঘোষণা প্রদানের পর, ইসলামাবাদের টিলফোর্ডে অবস্থিত মুবারক মসজিদ থেকে ওয়েবসাইটটি আনুষ্ঠানিকভাবে সচল করেন।

উদ্বোধনের পরে, হুযূর আকদাস আল্লাহ্ তা'লার প্রতি কৃতজ্ঞতা জ্ঞাপন করে দোয়া পরিচালনা করেন।

জুমুআর খুতবায় হুযূর আকদাস বলেন যে, আহমদীয়া মুসলিম জামা'ত যুক্তরাজ্যের নির্মিত নতুন ওয়েবসাইটটিতে প্রতিশ্রুত মসীহ্ (আ.)-এর যুগ সম্পর্কে ভাল মানের অনুসন্ধানমূলক প্রবন্ধসমূহ রয়েছে, যা থেকে স্পষ্ট হয় যে তাঁর সময়েই তাঁর বাণী যুক্তরাজ্যে বিস্তৃত পরিসরে পৌঁছে ছিল।





হ্যরত মির্যা মসরার আহ্মদ (আই.) বলেন:

"প্রতিশ্রুত মসীহ্ (আ.)-এর কল্যাণময় যুগ সম্পর্কে ওয়েবসাইটটিতে একটি টাইমলাইন প্রদান করা হয়েছে যেখানে বিস্তারিত বর্ণনা রয়েছে কীভাবে প্রতিশ্রুত মসীহ্ (আ.)-এর বাণী পাশ্চাত্যে বিস্তৃতি লাভ করেছিল। আরো একটি টাইমলাইন রয়েছে যেখানে যুক্তরাজ্যের পথিকৃৎ মুবাল্লিগদের (ধর্মপ্রচারক) সেবার বর্ণনা রয়েছে, যার মধ্যে প্রতিশ্রুত মসীহ্ (আ.)-এর কতক সাহাবীও অন্তর্ভুক্ত রয়েছেন। রেভারেভ জন হিউ স্মিথ পিগট সম্পর্কে প্রতিশ্রুত মসীহ্ (আ.)-এর ভবিষ্যদ্বাণী সম্পর্কে সংশ্লিষ্ট তথ্যসূত্রসহ একটি বিস্তারিত গবেষণাও প্রকাশিত হয়েছে। ওয়েবসাইটটিতে আরো প্রবন্ধসমূহ প্রকাশিত হয়েছে যা তরুণ প্রজন্মের কাছে তুলে ধরে যে, এই সকল পাশ্চাত্য দেশে আগমনের পেছনে তাদের পূর্বপুরুষদের প্রকৃত উদ্দেশ্য কী ছিল।"